

# يوميات عيل نسير

(مواقف يومية بشكل كوميدى)

محمود بديري



جميع الحقوق محفوظة © عصير الكتب للنشر الإلكتروني

<http://book-juice.com>

## يوميات ميل كبير

المؤلف : محمود بكري

نشر في : سبتمبر ٢٠١٤



# يوميات عيل كبير

مواقف يومية بشكل كوميدي

محمود بكري

إهداء

لكل اللي نفسه يعيشها  
ببساطة



اتلحج روح سينما .. ايه اللي بقولة دا .. دخلت الحمام عشان تغسل  
وشي .. ايه دا لأ!! .. مفيش مائة .. ايوّة يعني انزل الشغل  
بعماصي دلوقتي .. يخربيت كده .. اروح المطبخ وامري لله .. وادي قزازة  
مائة اغسل بيها وشي .. وخرجت من المطبخ يا مروانة انتي يابت ..  
مروانة دي السلحفاة بتاعتي بقى وكدا .. تعالي عايز اقولك ع حاجة  
وقعدت نص ساعة اكلها ومبتردش عليا .. حطيتها خبار بعد ما اكلت  
نص اكلها ولبست ونزلت .. الحمد لله لقيت عربية معدية من تحت  
البيت .. شاورت وركبت .. السواق بصوت عالي البلد باظت بوظوا البلد  
الله يخرّب بيتهم .. والست اللي ورايا بتديني خد اديلة اتنين يابني  
وبتكلم السواق بس في وادني بس متقولش كده ياسطى ان شاء الله  
بكرة هيبقى احلى .. يا!! اسطى نزلني ياسطى هي ناقصة سياسة  
ع الصبح .. وقف العربية ياعم .. الراجل بصلي في المراية مالك بس  
يابية انت شكلك مش عاجبني من ساعة ماركبت .. ليه ياسطى انا لحقت  
دانا لسة راكب .. انت شكلك اخوان ياض .. ياسطى ابدأ بس دماغي  
بتوجعني من الكلام في السياسة .. اومال مربي دقنك ليه .. انت مالك



ياعم نزلني وانت ساكت يسطى .. طب ادفع الاجرة .. انا ركبت حاجة  
ياعم دانا هروح الشغل زاحف على بطني منكم يا شيخ .. يلا ياض يا  
سيس من هنا .. اللّٰه يسامحك يسطى مش هرد عليك عشان انت راجل  
كبير .. بس ان شاء اللّٰه العربية هتولع بيك .. ونزلت من العربية  
وروحت الشغل مشي وانا بغني اغنية والديك بيدن كوكو كوكو .







- على فكرة ٥ دقائق لو منزلتيش هاكل الشيكولاته اللي جايبهالك

- نازلة جري ياعم الحج احنا هنخم .. سلام

- سلام يا قردة

- بعد تلت ساعة نازلة تتدحرج ع السلم وبتضحك لما شافته قاعد

ع الرصيف ومجمع جمبة كام طوبة كده .. في سرها شكلوا هيحدفني

بيها

- وحشتني يا كوكو فين الشيكولاته بتاحتي وبعدين يا حبيبي ما

وشك سليم اهو بنظرة هبل واضحة عليها

- انتي عارفة اني מבحبش المحن بتاع البنات دا .. كل دا خمس دقائق

وبعدين احنا مش قولنا ام الطرحة دي تطول شوية عن كده .. اطلعي

اقلعيها والبسي الرصافي بتكون احلى عليك

- بس كده هنتاخر ع الفيلم .. اخر مرة واللّه مش هتكرر والنبي

والنبي

- لو مش حلفتيني بالغالي يلا بينا عشان ناخذ مبيكروباظ من على

اول الشارع







في اقرب وقت .. هي امك اه بس انا زي جوزك يعني وبعدين انا عامل  
حالة تقشف على نفسي عشانك ومع ذلك مبحرمكيش من حاجة  
شيكلوثة بجيبك سينما بخرجك .. وكل احلامك اوامر .. قولي لما بقى  
تخليها في حالها وملهاش دعوة بينا والا هحرمك من كل الحاجات دي  
وهاتي الشيكولاتة دي

- لا خلاص .. سيب بس الشيكولاته وانا اصلا مليش امهات

- واطية

- نعم يا كابتن

- بص في المراية بيشوف السواق مركز معاهم ولا لأ .. السواق

هيمن مع الاغنية ومتاثر اوي

- مسك ايديها وباسها بوسة خفيفة من كف ايديها وقالها انا مش

عايز غيرك انتي بس راضية عني يا حبيبتي

- هقولك بعد ما تاكلني بيتزا بعد السينما

- نعم مش امك قالت عازماني على العشا

- اه بس انا عايزة اكل بيتزا يا حبيبي بقى



- بتتوحي ولا ايه

- لم نفسك

- حاضر

- وصلوا السينما وقطعوا التذاكر ودخلوا فيلم رومانسي وهو في

نفس واحد حسبى الله ونعم الوكيل المرتب هيروح كله الليلا دي

عالم



- ٣ -

- امبارح المغرب اذن روحت اصلي المغرب وراجع افتح المطبعة تاني

بعد الصلاة ودا اللي حصل معايا

- استنى يا استاذ متقفلش انا جايلك من اخر الدنيا

- خير يا حاج انا بفتح اصلا مبقفلش

- الحمد لله كنت هضطر اجيلك بكرة

- لا يا حج اتفضل ارتاح

- ربنا يريح قلبك يا بني

- ها يا حج اوامر

- عايز ب ٥ جنية بيض ارانب عندي ارنبة وعايزها ترقد عليه

عشان استرزق

- نعم

- مالك يا بني بيض ارانب يا استاذ

- مين اللي قالك يا حاج اني ببيع بيض ارانب هنا









- اتفضل يا حاج
- متزعلش يابني اني ضحكت معاك في الاول
- بتقول ايه يا حاج تعالي كل يوم
- ربنا يخليك يابني ويرزقك يارب ويفتح عليك وتتجوز
- ليبيبيبيبيبي بس كده يا حاج
- مالك يبني
- جواز ايه بس
- ليه يابني مش عايز تتجوز
- لأ يا حاج انا كده تمام كافي خيرى شري ياعم الحاج
- خلاص يبقى هجوزك بنتي .. هي اطلقت مرتين ومكملتش في كل
- جواز شهبين .. يلا نقرا الفاتحة
- امشي اطلع برا ياعم
- هههههههههههه بهزر معاك يابني .. خد بالك من نفسك
- حاضر يا حاج ادعيلي بس .. وطلعت برا المطبعة بودعة بمنديل
- قوية سلاااااااااااام يا حاج ..



- ٤ -

٦ الصبح نايم في امان اللّٰه ومستمتع بقى بالنوم .. اصلا احلى

شوية نوم هما اللي من بعد صلاة الفجر لغاية ٨ الصبح وقت ما بصحى

عشان اروح الشغل وحصل الاتي

- محمود محمود محمود محمود محمود محمود محمود محمود محمود محمود

محمود محمود محمود محمود محمود محمود محمود محمود محمود محمود

محمود محمود محمود

- في ايه يا ماما بتحفظي اسمي ولا ايه

- صباح الخير يا حبيبي بصحيك يا حودة

- حودة دانا لو ميت مش هتعملي فيا كده

- اخلص يلا هتروح الجامعة النهاردة ولا نازل الشغل

- بتقفشي ليه بس عليا .. صباح الفل يا بطوط .. رايح المعهد

اشوف النتيجة ادعيلي

- بالنجاح يبني .. بس احلق دقنك دي طالما رايح الجامعة



- تاني يا ماما قولتلك ١٠٠ مرة מבبش .. وبعدين دا معهد مش

جامعة سنتين يعني .. ابنك فاشل يا حاجة

- مانت هتكمل يا روح امك ولا ناوي تخلف اتفاقنا

- اكمل ايه يا ماما .. انتي مش عايشة معانا في البلد وبعدين مانا

بشتغل زي الفل وعايز اسافر

- تسافر فين يا بني ..

- اي حقة ياما المهم ادعي بس انهم يشيلوا الضرايب من على اللي

بيسافروا

- ضرايب ايه يابني

- لما اجي يا حاجة هفهمك عشان ممنوع الكلام في السياسة هنا

- لا بجد ضرايب ايه يابني قلقتي على احمد ابن خالتك اللي مسافر

الخليج

- لا كلمي خالتي قوليلها تخليه ينزل اصل اللي هيشغل بيه

هيتاخذ منه عشان مصر



- بتتكلم بجد ولا بتهرج زي عوايدك .. مانا عارفك .. انا شاكة فيك

بدقنك دي وهبلغ عنك

- في فطار بقى ولا هفطر في الشارع زي كل يوم

- انا بنزل من غير فطار .. لو حد سمعك بقى يقول عليا بجوعك

يابن الـ @^\$#& يا ^%\$#^

- لا لو حد سمعك وانتي بتشتميني كده هيقول حاجة تانية

- طب يلا بقى حضريلي سندوتش لغاية ما اخش الحمام

- هتستحي .. لولولولولولولولي

- يا حاجة اللي يسمعك يقول عليا معفن

- لا بس كسووووووووول زي كعبول فاكرة

- مش طالبة زكريات ياما انا هنجز عشان الحق انزل

- وخلصت بسرعة وطلعت اكلت سندوتشي ونازل ع السلم وصوت

امي بينده عليا.



- متنساش تجيب معاك اكل لمروانة عشان اخر خساية وخياره انت  
كلتهم وهات توابل ومسحوق للغسالة عشان خلص وهات عشا معاك  
بالليل عشان متصحينيش اعملك تاكل عشان ادعيلك تنجح يابني
- يعني لو مجبتش مش هتدعيلي
- طب عالله تنسى زي كل مرة
- سلام يا حاجة
- سلام يابني ربنا يوقفلك ولاد الحلال
- او ولاد الحرام يا حاجة المهم ننجح



- ٥ -

- ونزلت من البيت عديت على ابو سمرة خدتلي شاندوتشين طعمية  
من غير طحينه وركبت المواصلة اللي بين البلد والمركز عشان اعرف  
اركب المواصلة الثانية اللي هنزل بيها المكان اللي فيه المعهد ومحدث  
يسال عشان مش هقول لاني مبخضرش غير في الامتحانات وبس ودا  
مسبلي مشاكل مع المهندسين اللي بيدوني وربنا يستر بنتمرط واللّه  
وياريتته بفايدة ابو التعليم على اللي .. هش عيب في ناس دحيحة هنا  
- وصلت محطة القطر قبل ميعاد القطر بـ نص ساعة .. مستني  
البهوات زمايلي عالم تيت مفيش احترام مواعيد فاضل ٢٥ دقيقة ..  
فاضل ربع ساعة .. فاضل ٥ دقائق .. القطر جه

- الووووو انت فين يابن الـ @^%\$#& القطر جه انا هركب وانت

حصلني مواصلات

- عيب عليك يا يسطى استناني



- استنك ايه انا هنا من نص ساعة .. عقابا ليك تركب مواصلات  
بقى .. عشان كل لما تبص للاشتراك اللي عاملينة للقطر تتحسر ع  
الفلوس يا #% ^

- وحياة امك يا جدع قابلني بقى في الموقف نمشي سوا واحشني  
يسطى وبعدين جايبلك فطار

- اه والنبي اصل سندوتشات ابو سمرة كانت فستك اناهرده بس  
هات بيض بقى عشان انا اكلت طعمية

- ما تاكلنا ياعم احسن .. بتفطر مرتين

- انت هتعد عليا .. طب حصلني مواصلات بقى

- لا خلاص ياعم هجيبلك فطار ماهو خراب بيوت مستعجل

- يلا هكلم باقي العيال ونتقابل في الموقف

بعد ربع ساعة وصلنا كلنا الموقف ومفيش داعي اذكر اسماء غير

محمد صاحبي وهو مش معانا ع الجروب عشان كده هتكلم براحتي

- فين ياض السندوتشات وفيين الفلوس اللي عليك

- خذ السندوتشان اهي واتسد بقى مش قدام الناس



- ياسطى هناخد الكنبه اللي في النص احنا الـ ٣
- ماشي يابني اركبوا ويلا عشان نمشي
- احنا ٢ يا محمود
- لا في واحدة حلوة اهي جاية من بعيد قوتل احجزلها جنبني خش
- اركب جمب الشباك عارفك بتحب الشباك
- اه يا وسخ .. طول عمرك بتاع بنات
- انا .. دانا غلبان فشخ
- وصلت البنات ومسكت طرف اللياقة .. اتفضلي يافندم الكرسي دا
- ليكي
- ميرسي خالص .. وصوت محمد جانبي اه يابن الـ @\$%^
- الاجرة ٤ جنية يا حضرات قبل ما نطلع عشان مش عايز لوك لوك
- في الطريق
- طب ينفع نلوك لوك من هنا ياسطى ما حنا بنركبها بـ ٣ علطول
- هي ٤ جنية يافندي لو مش عاجبك خد صاحبتك وانزل .









- البننت : انا عارفة ان امي داعية عليا انا عارفة

- انا : اليوم اتقفل وشكلي هسقط بسبب الحاجات المريبة اللي

بتحصل دي

- محمد : خد معاك حساب واحد اهو ياسطى

- انا : نعم ياروح امك

- محمد : انت مين يابني انا اعرفك .. تعرفيه دا يانسة

- لا انا مفكرة جاي معاك

- لا انا مفكرة جاي معاكي

- انا على جمب هنا!!!!!!!!!!!!!!!!!!!!!! ياسطى هنزل اكملها زحف بقى









- اقسام بالله مامشي معاك في حتة تاني .. مشيك كله مصايب ..  
ماتخليك في شغلك ياعم وسيبك من الدراسة انت بتنزل تقرفنا وبس
- طب يلا نشوف النتيجة لو نجحت يبقى هكمل التيرم ولو صقت  
يبقى مبروك عليكوا بقى اني مش هنزل تاني
- ان شاء الله تصقت وتريحنا منك
- اه يابن الـ @#\$%^&
- ومشينا لغاية ما وصلنا وقابلنا الولىة بتاعت شئون الطلبة ودي  
هتكون الحلقة الجاية اخر حلقة في المشوار المنيل بـ ٦٠ نييلة دا ..



- ٧ -

- الو انت فين

= انا في البيت عايز ايه ياعم انا هرده الخميس والبت هتستنائي

على اول الشارع ومش عايز اتاخر عليها

- سيبك منها يا ض وتعالالي على الشغل المغرب عشان اجيب لامي

هدية عيد الام

= ياعم فكك .. انت لسة عايش في الجو دا

- اسكت خالص وعدي عليا المغرب .. هستناك .. سلام

وعدت عليا الـ ٣ ساعات دول بمنتهى الاثارة والاكشن .. اكلت كشري

وشيبسي وبيبسي .. والراجل بتاع غزل البنات عدة جبتة من ٤ وحدات ..

وبتاع القصب عدى جبت عود بجنية ونص .. وشربت شاي ونسكافية

والمغرب اذن ولسة رايح اصلي المغرب ولاقيت صاحبي داخل عليا

المكتبة ودا كان الحوار

- يلا يامعلم عشان نجيب لامك الهدية ونروح انا سايب البت لوحدها

في الشارع





- طب يلا نصلي المغرب ياعم وبعدين نروح
- ياعم الليل لسة طويل ابقى صليه لما نرجع
- يابني دا المغرب مش العشا وبعدين مش هياخد ١٠ دقائق
- ماشي ياعم الشيخ .. يارب نخلص بقى
- صلينا المغرب وخرجنا من المسجد ..
- انجز ياعم هتاخرع البت
- يابني احنا لسة مصليين .. نتمتع بالحسنات شوية حتى
- ولا انا مش مرتاحلك .. هتعملي فيها شيخ
- طب يلا يا # \$ % ^ & عشان متتاخرش ع البت
- حرف النون دا مش عايز اسمعه انت مالك ومالها
- يلا ياعم الحاج
- واحنا مشايين انا مختار اجيبها ايه
- بقولك ايه .. انا مش عارف اجيبها ايه
- نعم ياخويا احنا لسة هندور انت مش مقرر
- لأ





وبعد لف كيترا اووووووووووي قررت ادي امي الـ ١٠٠ جنية في ايدها  
واخذت عليها ١٠ وصلات امانة كل وصل بـ ١٠ جنية عشان كل لما احتاج  
حاجة ومتعملهاش اطلعها وصل واقولها اكويلي وخدي وصل ..  
كل سنة وكل ام طيبة .. واللي والدته متوفقة يقرالها الفاتحة ..



- ٨ -

الساعة ١ بعد منتصف الليل بتوقيت سريري

# بعين واحدة يستشعر انقطاع التيار الكهربى بعد صحاينه من نوم  
استغرق ٤ ساعات يشوبهم القلق .. الحمد لله في كهربا الله يخرب  
بيتك يا @\$%^ .. مد يده لفتح الكمبيوتر المحمول ( اللاب توب يعنى  
بالصلاة ع النبي ) ومد احدى قدميه بحثا عن الشبب فلم يجده فقرر ان  
يسير حافي القدمين على بلاط الغرفة ( واللى ببسال مفيس سجادة او  
موكيت .. اقولة معلش الحاجة بتغسل عشان قرايبنا جايبين في شم  
النسيم ) ووصل للمطبخ فتذكر انه نسى ارتداء النظارة الطبية فعاد  
مسرعا ليحضرها فهي توأم روحه حتى يتبين ملامح الطعام لانه  
بالفعل جائع ( وعلى راي الحاجة مش عارف ايه الواد اللي بيصحى من  
النوم جعان .. ولا اللي بترضع ) احضر طبق الملوخية والمسقعة وبدأ  
في الاكل في المطبخ وعاد ليراقب متصفح الفيس بوك .. ادخل الايميل  
ثم الباسورد وبعد مرور دقيقتين .. اتاه اشعار ان احده يريد ان يكون  
صديقة .. تردد ولكنه قبل الطلب وكان الاتي :





= حكايه الاكونتتين دي هبقي احكيها لك بعدين .. وانا صاحيه عشان  
مش جيلي نوم .. لسه مخلصه روايه وعنيا وجعتني من القرايه وانت ايه  
اللي مصحيك دلوقتي

- انا صحيت من النوم اقبل الادد وهكمل نوم

= انت ع فكره كل شويه تقولي راجع انام انا هنام ده انت لو قاصد  
تطردني مش هتعمل كده

- بهز يا رمضان وجع في مفاصلك

= هههههههههههههههههه لا والنبي سيب مفصلي ف حاله انا ست كبيره  
ومايقاش فيا صحه

- حاضر

= انت بقي اسمك ايه !?

- عيب .. الساعة جت ٢ .. مباحش الاسئلة دي في الوقت دا

= تمويه بردوا











- ٩ -

صباح الفل يا مروانة بصيلي وانا بكلمك طالاه

مش هتردي برضوا والله ما كان قصدي ازعلك

عندي امتحانات وشغل وكده

على العموم متزعليش وادي خساية كاملة لوحدك كليها لغاية ما

اجي بالليل

هلبس وانزل بقى عشان متاخرش .. يلا سلام يا حبيبتي

لبست ونزلت روحت لصاحبي عشان نمشي سوا .. بنده مبيردش قولت

اكلمه

انا : الو .. انت فين يابني انا تحت البيت

صاحبي : بتعمل ايه تحت البيت الساعة خمسة ونص الصبح يا

محمود

انا : يانهار اسود انت لسة نايم .. قوم يابني الساعة ٦ ونص هنتأخر

على الامتحان



صاحبى : يابني والله اهي خمسة ونص

انا : اخخخ انت متعرفش الساعة اتغيرت بقالها اسبوع اهي

صاحبى : يا نهار اسود .. طب اطع بسرعة هفتحك الباب

جري جري وبسرعة لبس ونزلنا بس للاسف القطر فاتنا

انا : الله يحرقك يا جدع القطر فاتنا .. هنروح بقى نركب مواصلات

صاحبى : انا مالي ياعم هو انا الي غيرت الساعة

انا : حد راكب معاك قدام يا اسطى

السواق : قدام خلاص يا بشمهندز

انا : خش ياعم اركب ورا . بس انا هقعده جنب الشباك

صاحبى : ياعم احنا رايعين نتفسح .. انت جبت البرشام بتاع المادة

دي ولا هتلبسنا في الحيط

انا : عيب عليك .. هو انا بتاع الحاجات دي

صاحبى : هديك بظهر ايدي زي الخدامين .. جبت الورق ولا لأ



انا : ما براااااااااااااااااا طاااااااااه .. اما لخصت المادة في ورقتين بس

صاحبي : سبحان الله يا جدع .. كتاب ٣٠٠ ورقة تلخصة في ورقتين ..

انت مفترى

انا : لا وكمان مصغرهم .. يعني ايه هنجيب طب من المعهد دا ان

شاء الله

وقطع كلامنا بنت رايحة تكلم السواق .. وطبعا صاحبي رامى ودنه

كالعادة

البنت : في حد قدام؟!

السواق : لا اتفضلي يا انسه

صاحبي : الحق يا محمود

انا : في ايه ياعم سيبنى اركز في البرشام اهو اجمع اى حاجة

صاحبي : البت ركبت في الكرسي اللي قدام وهي لسة جاي

انا : طب وهنعمل ايه



صاحبى : سيبلې انا الطلعة دي

انا : لا يسطى عايزين نروح الامتحان مش كل مرة هنتپرد من العربية .. ومهما تقول مفيش حاجة هتتغير .. انا مش عارف ايه التفكير دا .. هو متخيل مثلا هيعمل ايه لما تقعد جمبه .. عالم مريضة

هنعرف السواق عمل ايه الحلقة الجاية .. استنونا .



- ١٠ -

حلقة النهاردة تتلخص في موقف واحد بس

كان عليا امتحان نظري ومعامل وعملي كل دا في يوم واحد ورايح اخر

امتحان معمل عشان امتحن واروح .. البشمنهندسة بتسالني هو المولد

الكهربى بيعمل ايه وكانت اجابتي مختلفة مميزة عن كل الاجابات :

انا : بيولد

البشمنهندسة : نعم .. طب والمحرك

انا : بيحرك

ومن هنا طلعت وهي واقعة من الضحك واللى على لسانها المولد

بيولد والمحرك بيحرك

انتظرونا في انبهارات في الامتحانات الجاية .

